

Հ. Հ. ՏՈՆԱԿԱՆՅԱՆ, Հ. Ա. ՍԵՐՈՐՅԱՆ

ՈՒՆՏՐԱԶԱՅՆԻ ԱԶԴԵՑՈՒԹՅՈՒՆԸ ԵԳԻՊՏԱՑՈՐԵՆԻ ԲՈՒՅՍԵՐԻ ԱՃՄԱՆ ՈՒ ԶԱՐԳԱՑՄԱՆ ՎՐԱ

Ուսումնասիրվել է ուլտրաձայնի ազդեցությունը եգիպտացորենի բույսերի աճման ու զարգացման վրա: Պարզվել է, որ ուլտրաձայնը չի ազդում սերմերի ծլունակության վրա, սակայն փոքր-ինչ արագացրել է այն: Ոչ մեծ չափով խթանել է ընձյուղների և տերևների աճը, ֆենոլոգիայի տևողությունը արագացրել է առաջին և երկրորդ տարբերակներում, իսկ երրորդում՝ դանդաղեցրել: Ինչ վերաբերվում է սերմնառաջացմանը, ապա այն պակասեցնում է սերմերի թիվը՝ մեծացնելով նրանց կշիռը:

Փորձերը կատարվել են Նրևանի պետական համալսարանի կենսաբանական ֆակուլտետի փորձադաշտում, որ գտնվում է Արարատյան հարթավայրի կիսանապատային գոտում և բույսերը մշակվել են հողակլիմայական պայմաններին համապատասխան՝ այստեղ կիրառվող ագրոֆոնի վրա:

Նյութ և մեթոդ: Զայնարկման ենթարկվել են եգիպտացորենի Կոստիշևսկի սորտի՝ 1971 թվականի բերքի սերմերը, ՄՈՒԴ-2 գեներատորով: Զայնարկումից 24 ժամ առաջ սերմերը նախապես թրջվել են, 30 րոպե ընկղմելով խմելու սովորական ջրի մեջ, որից հետո թեթևակիորեն չորացվել են և հունիսի 3-ին ձայնարկվել: Ցանքը կատարվել է հունիսի 5-ին:

Փորձերը դրվել են երկու կրկնողությամբ, հետևյալ սխեմայով՝

Տարբերակներ	Զայնարկման հաճախականությունը, կ/հ	Տեսակարար-ակուստիկ հզորությունը, W/սմ ²	Զայնարկման տևողությունը, րոպ.
Ստուգիչ	—	—	—
I	480	2	5
II	960	6	5
III	2860	8	5

Մեկ կրկնողությունում յուրաքանչյուր տարբերակում, ինչպես և ստուգիչում 2-ական շարքով, շարքում 40 սերմ է ցանվել, մեկըմյուսից 25 սմ, իսկ շարքը-շարքից 60 սմ հեռավորությամբ: Այսպիսով, երկու կրկնողությունում յուրաքանչյուր տարբերակում, ինչպես և ստուգիչում 160-ական սերմ է ցանվել:

Բույսերի ֆենոլոգիական դիտարկումները կատարվել են ամեն օր, ընձյուղների ու տերևների չափումները՝ ժաղկման եռուներում, իսկ սերմերի հաշվումներն ու կշռումը՝ հավաքման զուգընթաց:

Փորձերի արդյունքները ամփոփված են չորս աղյուսակներում: Առաջին աղյուսակի տվյալների համաձայն, ուլտրաձայնը ստուգիչի համեմատությամբ չի ազդել սերմերի ծլունակության վրա, որն ընդհանուր առմամբ բավական ցածր է. այդ, ինչպես և այլ ցուցանիշներ մեր կարծիքով պետք է բացատրել

ուշացած ցանքով՝ կապված երկարատև անբարենպաստ կլիմայական պայմանների հետ:

Սակայն ուտրաձայնը 10—40% արագացրել է ծլումը:

Ուտրաձայնը որոշակի ազդեցություն է ունեցել նաև եգիպտացորենի ընձյուղի ու տերևների աճման վրա (աղ. 2): Եթե I և II տարբերակներում ընձյուղի բարձրությունը ստուգիչի համեմատությամբ գերազանցում է 9,4—6,7%, ապա III-ում այն ոչ թե խթանել, այլ արգելակել է 12,7%: Համեմատաբար գրկաշափը I և II-ում գերազանցել է ստուգիչին 10,1 և 4,5%, իսկ III-ում արգելակել է 7,9%:

Աղյուսակ 1

Ուտրաձայնի ազդեցությունը եգիպտացորենի սերմերի ծլման վրա*

Տարբերակներ	Ջայնարկում			Ցանք և ծլունակություն				Ծլման ընթացքը				
	հաճախ- կանություն, կ և թ	տեսակարար ակունստիկ հզ. W/սմ ²	տևողութ. րոպ.	ցանված սեր- մերի քա- նակը	ծլած սեր- մերի քա- նակը	ծլունակու- թյունը	ցանքի ժամանակը	ավարտի ժամանակը	տևողու- թյունը, օր	տարբերութ. ստուգ. համ. + կամ — օր.	տարբերութ. ստուգ. համ. + կամ — օր.	
Ստուգիչ	—	—	—	160	100	62,5	5.VI	15.VI	10	—	—	
I	480	2	5	160	100	62,5	5.VI	14.VI	9	—1	—10	
II	960	6	5	160	102	62,7	5.VI	12.VI	7	—3	—30	
III	2860	8	5	160	100	62,5	5.VI	11.VI	6	—4	—40	

* + կամ — համապատասխանորեն նշանակում է՝ ավել կամ պակաս:

Ուտրաձայնի ազդեցությունը տերևների թվի վրա չնչին է. I և II-ում յուրաքանչյուր բույսի մոտ մեկականով ավելի է, իսկ III-ում մեկով պակաս: Մոտավորապես պատկերը նույնն է նաև տերևների չափսերի առումով: I և II-ում տերևների երկարությունը, ստուգիչի համեմատությամբ, գերազանցում է 16,9 և 8,1%, իսկ III-ում արգելակվել է 2,2%: Տերևների լայնության նկատմամբ նույնպես՝ I և II-ում խթանել է 19,0 և 8,6, իսկ III-ում ընկճել՝ 10,3%:

Ինչպես երևում է երրորդ աղյուսակի տվյալներից, ուտրաձայնի ազդեցությունը եգիպտացորենի բույսերի ֆենոլոգիայի ընթացքի, այսինքն տևողության վրա ազդել է նրա երկօրյա կրճատմամբ (արագացմամբ) առաջին և մեկօրյա կրճատմամբ՝ երկրորդ տարբերակում, իսկ երրորդում, ընդհակառակը՝ ուտրաձայնը երկարացրել (դանդաղեցրել) է այն ութ օրով:

Ինչ վերաբերվում է եգիպտացորենի բույսերի սերմնառաջացմանը՝ ուտրաձայնի ազդեցությամբ, ապա պետք է նշել, որ այն բացասաբար է անդրադարձել մեկ կողմի հատիկների թվի վրա, ստուգիչի համեմատությամբ, այն պակասեցնելով 4% առաջին, 8% երկրորդ և 28% երրորդ տարբերակում: Ուտրաձայնը նման ազդեցություն է ունեցել նաև մեկ կողմի հատիկների կշռի վրա՝ առաջին և երրորդ տարբերակներում՝ համապատասխանաբար՝ 2,3 ու 21,5%, մինչդեռ երկրորդ տարբերակում, ընդհակառակը, ավելացել է 5,2%: Այսուհանդերձ, պետք է նշել, որ 1000 հատի կշռի առումով ուտրաձայնը դրական ազդեցություն է թողել բոլոր երեք տարբերակներում էլ, գերազանցելով ստուգիչին՝ 1,7% առաջին, 14,2% երկրորդ և 9,1% երրորդ տարբերակում:

Այս հանգամանքը վկայում է, որ ուտրաձայնը թեպետ պակասեցրել է

Ուլտրաձայնի ազդեցութիւնը եղիպտացորենի բույսերի ընձյուղի չափսերի և տերեւների թվի ու չափսերի վրա*

Տարբերակներ	Ձայնարկում			Ընձյուղ						Տերեւներ									
	հաճախականությունը, կ 5 ց	տեսակարար ակուստիկ հզորությամբ, W/սմ ²	տեղությունը, բռայ.	բարձրություն, սմ	տարբեր. ստուգիչի հա- մեմատությամբ, սմ-ով + կամ —	տարբերությունը ստու- գիչի համեմատությամբ, 0/0 + կամ —	զրկաչափ, սմ	տարբեր. ստուգիչի հա- մեմատությամբ, սմ-ով + կամ —	տարբեր. ստուգիչի հա- մեմատությամբ, 0/0 + կամ —	մեկ բույսի վրա	թ ի վ ը			չ ա փ ս ե ը					
											տարբ. ստ. համեմ. բաց. թվ. + կամ —	տարբ. ստուգիչի համ. 0/0 + կամ —	սմ	երկարություն			լայնություն		
														տարբ. ստուգ. հա- մեմատ. սմ- ով + կամ —	տարբ. ստ. համեմատ. բաց. թվ. + կամ —	սմ	տարբ. ստ. համեմատ. սմ-ով + կամ —	տարբ. ստ. համ. 0/0 + կամ —	
Ստուգիչ	—	—	—	149	—	—	8,9	—	—	9	—	—	49,1	—	—	5,8	—	—	
I	480	2	5	163	+14	+9,4	9,8	+0,9	+10,1	10	+1	+11,1	57,0	+7,9	+16,9	6,9	+1,1	+19,0	
II	960	6	5	159	+10	+6,7	9,3	+0,4	+4,5	10	+1	+11,1	53,3	+4,2	+8,1	6,3	+0,5	+8,6	
III	2860	8	5	130	—19	—12,7	8,2	—0,7	—7,9	8	—1	—11,1	48,0	—1,1	—2,2	5,2	—0,6	—10,3	

* + կամ — համապատասխանորեն նշանակում է՝ ավել կամ սլակաս:

Ուլտրաձայնի ազդեցությունը եգիպտացորենի բույսերի ֆենոլոգիայի ընթացքի վրա*

Տարբերակներ	Չայնարկում			Սկզբնական վե- գետացիա		Ծ ա դ կ ու մ				Սերմնահասունա- ցում		Ֆենոլոգիայի ընդհան. տևողությունը օրերով	Տարբերությունը ստու- գիչի հետ օրերով կամ --	Տարբերությունը ստու- գիչի հետ % կամ --
	հաճախական. կ հ ց	տեսակարար-ա- կունտիկ հզոր. W/սմ ²	տևողութ. ժողն, րոպ.	սկիզբ	ավարտ	հուրանների		կողրերի		սկիզբ	ավարտ			
						սկիզբ	ավարտ	սկիզբ	ավարտ					
Ստուգիչ				16.VI	22.VII	23.VII	3.VIII	3.VIII	12.VIII	14.VIII	19.X	126		
I	480	2	5	15.VI	19.VII	20.VII	1.VIII	29.VII	9.VIII	11.VIII	16.X	124	-2	-1,6
II	960	6	5	13.VI	18.VII	18.VII	1.VIII	30.VII	9.VIII	11.VIII	15.X	125	-1	-0,8
III	2860	8	5	12.VI	27.VII	28.VII	5.VIII	5.VIII	14.VIII	16.VIII	23.X	134	+8	+6,3

* + կամ — համապատասխանորեն նշանակում է՝ երկարացում (դանդաղեցում), կրճատում (արագացում)։

Ուլտրաձայնի ազդեցությունը եգիպտացորենի բույսերի սերմնատաջացման վրա*

Տարբերակներ	Չայնարկում			1 կողմի հատիկ- ների շարքերի թիվը	հատիկների թիվը 1 շարքում	Տարբերութ. ստու- գիչի համեմատութ. + կամ —		հատիկների թիվը 1 կողմի վրա	Տարբերությունը ստուգիչի համեմ. + կամ —		1 կողմի հատիկն. կշիռը	Տարբերութ. ստուգիչի — համեմատ. + կամ —		1000 հատիկի կշիռը գր. -ով	Տարբերութ. ստուգիչի հա- մեմատ. + կամ —		1 հատիկի կշիռը	Տարբերութ. ստուգիչի հա- մեմատ. + կամ —	
	հաճախա- կություն, կհց	տեսակարար ակունտիկ հզ. W/սմ ²	տևողությունը, րոպ.			բաց. թվեր	%		բաց. թվեր	%		բաց. թվեր, գ	%		բաց. թվեր, գ	%			
Ստուգիչ	—	—	—	11	25	—	—	275	—	—	48,4	—	—	176	—	—	176	—	—
I	480	2	5	11	24	—1	—4	264	—11	—4,0	47,3	—1,1	—2,3	179	+3	+1,7	179	+3	+1,7
II	960	6	5	11	23	—2	—8	253	—22	—8,0	50,9	+2,5	+5,2	201	+25	+14,2	201	+25	+14,2
III	2860	8	5	11	18	—7	—28	198	—77	—28,0	38,0	—10,4	—21,5	192	+16	+9,1	192	+16	+9,1

* + կամ — համապատասխանորեն նշանակում է՝ ավել կամ պակաս։

եգիպտացորենի մեկ կողմի հատիկների (սերմերի) թիվը, սակայն նրանց կշռի վրա թողել է խթանիչ ազդեցություն, մանավանդ երկրորդ տարբերակում, որ ավելի պարզ երևում է չորրորդ աղյուսակի վերջին սյունակներից (աղ. 4):

Ամփոփելով փորձերից ստացված արդյունքները, կարող ենք նկատել, որ՝ Ուլտրաձայնը ազդեցություն չի թողել եգիպտացորենի սերմերի ծլունակության վրա, սակայն այն արագացրել է 10—40%:

Ուլտրաձայնը ոչ մեծ չափով խթանել է ընձյուղների և տերևների չափսերը և վերջիններիս թիվը առաջին և երկրորդ տարբերակներում ավելացել է, իսկ երրորդում՝ ընդհակառակը, ընկճել է, դարձյալ ոչ մեծ չափով:

Ուլտրաձայնը առաջին և երկրորդ տարբերակներում կրճատել, այսինքն արագացրել է եգիպտացորենի բույսերի ֆենոլոգիայի ընթացքը երկու և մեկ օրով, իսկ երրորդում ընդհակառակը՝ երկարացրել, այսինքն այն դանդաղեցրել է ութ օրով:

Ուլտրաձայնը ընկճող ազդեցություն է թողել եգիպտացորենի սերմնառաջացման թվի վրա բոլոր երեք տարբերակներում՝ ստուգիչի համեմատությամբ, սակայն նրանց կշռի առումով՝ խթանել է առավելապես երկրորդում. այս նշանակում է, որ սերմերը թեպետ թվով քիչ են քան ստուգիչում, սակայն ավելի ծանր են, գուցե և խոշոր:

Երևանի պետական համալսարան,
բարձրագույն բույսերի ամբիոն

Ստացված է 18. I 1974 թ.

Г. А. ТОНАКАНЯН, Г. А. СЕРОПЯН

ВЛИЯНИЕ УЛЬТРАЗВУКА НА РОСТ И РАЗВИТИЕ РАСТЕНИЙ КУКУРУЗЫ

Р е з ю м е

Опыты были поставлены на опытном поле биологического факультета Ереванского государственного университета. Объектом послужила кукуруза сорта Костичевский. Схема—контроль и три варианта с различной частотой и удельно-акустической мощностью, но с одинаковой продолжительностью озвучивания. По результатам опытов выяснилось, что ультразвук не влияет на всхожесть семян кукурузы, но стимулирует, т. е. ускоряет процесс прорастания их. Ультразвук несколько стимулирует рост побегов и листьев в первом и во втором вариантах, а в третьем, наоборот, подавляет. В первом и во втором вариантах ультразвук сократил продолжительность фенологии, т. е. ускорил ход ее, а в третьем—удлинил, т. е. замедлил ее. Что касается образования семян, то он уменьшил количество, но увеличил их вес во всех трех вариантах.